

230.

Na osnovu čl. 10 stav 5, 12 stav 3, 40 stav 2 i 41 stav 3, Zakona o oznakama geografskog porijekla ("Službeni list CG", broj 48/08), Ministarstvo za ekonomski razvoj donijelo je

**PRAVILNIK
O POSTUPKU ZA PRIZNANJE OZNAKE GEOGRAFSKOG PORIJEKLA I PRIZNANJU
STATUSA OVLAŠĆENOG KORISNIKA OZNAKE GEOGRAFSKOG PORIJEKLA**

I. OSNOVNA ODREDBA

Član 1

Ovim pravilnikom uređuje se:

1) sadržina i način vođenja Registra prijava imena porijekla, Registra prijava geografskih oznaka, Registra prijava za priznanje statusa ovlašćenih korisnika imena porijekla, Registra prijava za priznanje statusa ovlašćenih korisnika geografske oznake, Registra imena porijekla, Registra geografskih oznaka, Registra ovlašćenih korisnika imena porijekla i Registra ovlašćenih korisnika geografskih oznaka;

2) sadržina zahtjeva za međunarodno registrovanje oznake geografskog porijekla i postupanje nadležnog organa po tom zahtjevu;

3) sadržina zahtjeva za priznanje, odnosno produžetak statusa ovlašćenog korisnika imena porijekla, odnosno geografske oznake;

4) sadržina isprave o statusu ovlašćenog korisnika imena porijekla, odnosno geografske oznake.

II. REGISTRI

1. REGISTAR PRIJAVA IMENA PORIJEKLA

Član 2

U Registar prijava imena porijekla upisuju se:

- 1) broj prijave za ustanovljenje imena porijekla (IP-broj);
- 2) datum podnošenja prijave;
- 3) firma ili naziv, odnosno prezime i ime i sjedište, odnosno adresa podnosioca prijave;
- 4) podaci o punomoćniku ako se prijava podnosi preko punomoćnika;
- 5) ime porijekla koje se štiti;
- 6) naziv države, regiona ili lokaliteta iz kojeg potiče proizvod koji se obilježava imenom porijekla;
- 7) podaci o načinu okončanja upravnog postupka;
- 8) registarski broj imena porijekla;
- 9) podaci o promjenama nastalim u toku upravnog postupka.

2. REGISTAR PRIJAVA GEOGRAFSKE OZNAKE

Član 32

U Registar prijava geografske oznake upisuju se:

- 1) broj prijave za ustanovljenje geografske oznake (GO-broj);
- 2) datum podnošenja prijave;
- 3) firma ili naziv, odnosno prezime i ime i sjedište, odnosno adresa podnosioca prijave;
- 4) podaci o punomoćniku ako se prijava podnosi preko punomoćnika;
- 5) ime porijekla, odnosno geografska oznaka koja se štiti;
- 6) naziv teritorije, regiona ili lokaliteta sa te teritorije sa koje potiče proizvod koji se obilježava geografskom oznakom;
- 7) podaci o načinu okončanja upravnog postupka;
- 8) registarski broj imena porijekla, odnosno geografske oznake;
- 9) podaci o promjenama nastalim u toku upravnog postupka.

3. REGISTAR PRIJAVA ZA PRIZNANJE STATUSA OVLAŠĆENOG KORISNIKA IMENA PORIJEKLA

Član 4

- U Registar prijava za priznanje statusa ovlaštenog korisnika imena porijekla upisuju se:
- 1) broj prijave za priznanje statusa ovlaštenog korisnika imena porijekla (KIP- broj);
 - 2) datum podnošenja prijave;
 - 3) firma ili naziv, odnosno prezime i ime i sjedište, odnosno adresa podnosioca prijave;
 - 4) ime porijekla na koje se odnosi prijava za priznanje statusa ovlaštenog korisnika;
 - 5) IP broj, odnosno registarski broj imena porijekla na koje se prijava odnosi;
 - 6) naziv područja ili mjesta u kome se obavlja određena djelatnost, odnosno proizvodi određeni proizvod koji se obilježava određenim imenom porijekla;
 - 7) podaci o načinu okončanja upravnog postupka;
 - 8) registarski broj ovlaštenog korisnika imena porijekla;
 - 9) podaci o promjenama nastalim u toku upravnog postupka.

4. REGISTAR PRIJAVA ZA PRIZNANJE STATUSA OVLAŠĆENOG KORISNIKA GEOGRAFSKE OZNAKE

Član 5

- U Registar prijava za priznanje statusa ovlaštenog korisnika geografske oznake upisuju se:
- 1) broj prijave za priznanje statusa ovlaštenog korisnika geografske oznake (KGO-broj);
 - 2) datum podnošenja prijave;
 - 3) firma ili naziv, odnosno prezime i ime i sjedište, odnosno adresa podnosioca prijave;
 - 4) geografska oznaka na koju se odnosi prijava za priznanje statusa ovlaštenog korisnika;
 - 5) GO broj, odnosno registarski broj geografske oznake na koje se prijava odnosi;
 - 6) naziv područja ili mjesta u kome se obavlja određena djelatnost, odnosno proizvodi određeni proizvod koji se obilježava određenom geografskom oznakom;
 - 7) podaci o načinu okončanja upravnog postupka;
 - 8) registarski broj ovlaštenog korisnika geografske oznake;
 - 9) podaci o promjenama nastalim u toku upravnog postupka.

5. REGISTAR IMENA PORIJEKLA

Član 6

- U Registar imena porijekla upisuju se:
- 1) registarski broj imena porijekla i datum upisa u Registar;
 - 2) ime porijekla koje se štiti;
 - 3) datum podnošenja prijave i IP-broj;
 - 4) vrsta proizvoda koji se obilježava imenom porijekla;
 - 5) naziv područja ili mjesta iz kojeg potiče proizvod koji se obilježava imenom porijekla;
 - 6) podaci o ovlaštenim korisnicima imena porijekla: registarski broj, firma ili naziv, odnosno prezime i ime i sjedište, odnosno adresa;
 - 7) podaci o prestanku imena porijekla, kao i osnov prestanka.

6. REGISTAR GEOGRAFSKE OZNAKE

Član 7

- U Registar geografske oznake upisuju se:
- 1) registarski broj geografske oznake i datum upisa u Registar;
 - 2) geografska oznaka koja se štiti;
 - 3) datum podnošenja prijave i GO-broj;
 - 4) vrsta proizvoda koja se obilježava geografskom oznakom;
 - 5) naziv područja ili mjesta iz kojeg potiče proizvod koji se obilježava geografskom oznakom;
 - 6) podaci o ovlaštenim korisnicima geografske oznake: registarski broj, firma ili naziv, odnosno prezime i ime i sjedište, odnosno adresa;
 - 7) podaci o prestanku geografske oznake, kao i osnov prestanka.

7. REGISTAR OVLAŠĆENIH KORISNIKA IMENA PORIJEKLA

Član 8

- U Registar ovlaštenih korisnika imena porijekla upisuju se:
- 1) registarski broj ovlaštenog korisnika i datum upisa u Registar;
 - 2) firma ili naziv, odnosno prezime i ime i sjedište, odnosno adresa ovlaštenog korisnika;
 - 3) datum podnošenja prijave i KIP-broj;
 - 4) naziv imena porijekla;
 - 5) IP-broj, odnosno registarski broj imena porijekla;
 - 6) naziv područja ili mjesta iz kog potiče proizvod koji se obilježava imenom porijekla;
 - 7) datum do kojeg važi pravo korišćenja imena porijekla;
 - 8) podaci o promjenama koje se odnose na ovlaštenog korisnika;

9) podaci o prestanku statusa ovlaštenog korisnika, kao i osnov prestanka statusa.

8. REGISTAR OVLAŠĆENIH KORISNIKA GEOGRAFSKE OZNAKE

Član 9

U Registar ovlaštenih korisnika geografske oznake upisuju se:

- 1) registarski broj ovlaštenog korisnika i datum upisa u Registar;
- 2) firma ili naziv, odnosno prezime i ime i sjedište, odnosno adresa ovlaštenog korisnika;
- 3) datum podnošenja prijave i KGO-broj;
- 4) naziv geografske oznake;
- 5) GO-broj, odnosno registarski broj geografske oznake;
- 6) naziv područja ili mjesta iz kog potiče proizvod koji se obilježava geografskom oznakom;
- 7) datum do kojeg važi pravo korišćenja geografske oznake;
- 8) podaci o promjenama koje se odnose na ovlaštenog korisnika;
- 9) podaci o prestanku statusa ovlaštenog korisnika, kao i osnov prestanka statusa.

9. PODACI KOJI SE OBJAVLJUJU U SLUŽBENOM GLASILU ZAVODA ZA INTELEKTUALNU SVOJINU

Član 10

U službenom glasilu Zavoda za intelektualnu svojinu (u daljem tekstu: Zavod) objavljuju se sljedeći podaci o ustanovljenom imenu porijekla:

- 1) registarski broj imena porijekla;
- 2) datum upisa u Registar;
- 3) geografski naziv koji se štiti imenom porijekla;
- 4) naziv područja ili mjesta iz kog potiču proizvodi koji se obilježavaju geografskom oznakom porijekla.

Član 11

U službenom glasilu Zavoda objavljuju se sljedeći podaci o ovlaštenim korisnicima imena porijekla:

- 1) registarski broj ovlaštenog korisnika imena porijekla;
- 2) firma ili naziv, odnosno prezime i ime i sjedište, odnosno adresa ovlaštenog korisnika;
- 3) datum upisa u Registar ovlaštenih korisnika imena porijekla;
- 4) registarski broj imena porijekla;
- 5) naziv koji se štiti imenom porijekla;
- 6) naziv područja ili mjesta iz kojeg potiče proizvod koji se obilježava imenom porijekla;
- 7) datum do kojeg važi priznati status ovlaštenog korisnika.

Član 12

U službenom glasilu Zavoda objavljuju se sljedeći podaci o ustanovljenoj geografskoj oznaci:

- 1) registarski broj geografske oznake;
- 2) datum upisa u Registar;
- 3) geografski naziv koji se štiti geografskom oznakom;
- 4) naziv područja ili mjesta iz kog potiču proizvodi koji se obilježavaju geografskom oznakom porijekla.

Član 13

U službenom glasilu Zavoda objavljuju se sljedeći podaci o ovlaštenim korisnicima geografske oznake:

- 1) registarski broj ovlaštenog korisnika geografske oznake;
- 2) firma ili naziv, odnosno prezime i ime i sjedište, odnosno adresa ovlaštenog korisnika;
- 3) datum upisa u Registar ovlaštenih korisnika geografskih oznaka;
- 4) registarski broj geografske oznake;
- 5) naziv koji se štiti geografskom oznakom;
- 6) naziv područja ili mjesta iz kojeg potiče proizvod koji se obilježava geografskom oznakom;
- 7) datum do kojeg važi priznati status ovlaštenog korisnika.

Član 14

U službenom glasilu Zavoda objavljuju se i podaci o:

- 1) prestanku imena porijekla, odnosno geografske oznake, kao i o osnovu prestanka;
- 2) prestanku statusa ovlaštenog korisnika imena porijekla, odnosno geografske oznake, kao i o osnovu prestanka;

3) podaci o promjenama koje se odnose na ovlaštenog korisnika imena porijekla, odnosno geografske oznake.

III. MEĐUNARODNO REGISTROVANJE

Član 15

Međunarodno registrovanje imena porijekla, odnosno geografske oznake vrši se po pravilima Lisabonskog sporazuma o zaštiti oznaka porijekla i njihovoj međunarodnoj zaštiti od 31. oktobra 1958. godine, izmijenjen u Stokholmu 14. jula 1967. godine i sa amandmanima od 28. septembra 1978. godine.

U skladu sa stavom 1 ovog člana, prijava za međunarodno registrovanje, na engleskom jeziku, podnosi se na obrascu Svjetske organizacije za intelektualnu svojinu (NJIPO).

IV. REGISTROVANJE IMENA PORIJEKLA, ODNOSNO GEOGRAFSKE OZNAKE

Član 16

Prijava za registrovanje imena porijekla, odnosno geografske oznake podnosi se Zavodu i pored podataka utvrđenih članom 15 Zakona o oznakama geografskog porijekla („Službeni list CG”, broj 48/08) (u daljem tekstu: Zakon) sadrži:

1) dva primjerka zahtjeva za registrovanje imena porijekla, odnosno geografske oznake, na obrascu G-1, koji je odštampan uz ovaj pravilnik i čini njegov sastavni dio;

Uz prijavu za registrovanje geografske oznake porijekla podnosi se i:

1) punomoćje ako se prijava podnosi preko punomoćnika.

Član 17

Zahtjev za registrovanje imena porijekla, odnosno geografske oznake, pored podataka utvrđenih članom 16 Zakona, sadrži:

1) naznačenje da li je u pitanju ime porijekla ili geografska oznaka;

2) naznačenje proizvodnih svojstava proizvoda ako je u pitanju prijava oznake porijekla;

3) naznačenje organa koji vrši kontrolu proizvoda ako je u pitanju prijava oznake porijekla;

4) popis svih priloga koji se podnose uz obrazac G-1.

Član 18

Podaci o geografskom području na kome se proizvodi određeni proizvod dostavljaju se uz zahtjev za registrovanje geografske oznake, u dva istovjetna primjerka.

Podaci iz stava 1 ovog člana sadrže: opis geografskog područja, naznačenje administrativnih granica i geografsku mapu određenog geografskog područja.

Pored podataka utvrđenih čl. 17 i 18 Zakona ako je u pitanju prijava imena porijekla, uz zahtjev za registrovanje pored podataka iz stava 2 ovog člana, dostavljaju se i podaci o osobinama zemljišta ili tla, podaci o podneblju i klimatskim karakteristikama određenog geografskog područja i drugi podaci relevantni za određenu vrstu proizvoda koja se obilježava oznakom porijekla.

Član 19

Ako je u pitanju prijava imena porijekla, uz zahtjev za registrovanje, dostavlja se i elaborat o načinu proizvodnje i posebnim svojstvima i kvalitetu proizvoda, u dva istovjetna primjerka.

Elaborat iz stava 1 ovog člana pored podataka utvrđenih članom 18 stav 2 Zakona sadrži:

1) stručno izrađen opis načina i postupka proizvodnje proizvoda;

2) podatke o količini proizvoda koja se godišnje proizvede.

V. STATUS OVLAŠĆENOG KORISNIKA

1. PRIZNANJE STATUSA OVLAŠĆENOG KORISNIKA

Član 20

Prijava za priznanje statusa ovlaštenog korisnika imena porijekla, odnosno geografske oznake pored podataka utvrđenih članom 28 Zakona sadrži:

1) dva primjerka zahtjeva za priznanje statusa ovlaštenog korisnika imena porijekla, odnosno geografske oznake porijekla, na obrascu O-1, koji je odštampan uz ovaj pravilnik i čini njegov sastavni dio.

Uz prijavu za priznanje statusa ovlaštenog korisnika imena porijekla, odnosno geografske oznake podnose se i:

- 1) uredno punomoćje, ako se prijava podnosi preko punomoćnika;
- 2) dokaz o uplati takse za prijavu.

Član 21

Zahtev za priznanje statusa ovlaštenog korisnika imena porijekla odnosno geografske oznake pored podataka utvrđenih članom 29 Zakona sadrži:

1) naznačenje da li se prijava odnosi na priznanje statusa ovlaštenog korisnika imena porijekla ili geografske oznake;

2) naznačenje organa koji vrši kontrolu proizvoda ako je u pitanju prijava za priznanje statusa ovlaštenog korisnika imena porijekla;

3) podatke o izvršenoj kontroli proizvoda - broj i datum izdavanja uvjerenja o ispitanom i utvrđenom kvalitetu proizvoda ako je u pitanju prijava za priznanje statusa ovlaštenog korisnika imena porijekla;

4) popis svih priloga koji se podnose uz prijavu.

Član 22

Dokaz o obavljanju određene djelatnosti, odnosno o proizvodnji određenog proizvoda dostavlja se uz zahtev za priznanje statusa ovlaštenog korisnika.

Dokaz iz stava 1 ovog člana je potvrda ili uvjerenje koje je izdao nadležni opštinski organ uprave ili izvod iz Centralnog registra Privrednog suda i sadrži:

- 1) firmu ili naziv, odnosno prezime i ime i sjedište, odnosno adresu podnosioca prijave;
- 2) podatke o djelatnosti koju obavlja podnosilac prijave, odnosno o proizvodnji određenih proizvoda na geografskom području čijim nazivom se obilježavaju određeni proizvodi;
- 3) podatke o licu ovlaštenom za zastupanje;
- 4) pečat i potpis ovlaštenog lica.

Član 23

Isprava o izvršenoj kontroli proizvoda sadrži:

- 1) firmu ili naziv i sjedište ovlaštenog organa ili lica koji vrši kontrolu proizvoda koji se obilježava imenom porijekla;
- 2) geografski naziv koji se štiti;
- 3) stvarni naziv proizvoda koji se obilježava imenom porijekla, odnosno geografskog porijekla;
- 4) nalaz i mišljenje ovlaštenog organa ili lica o ispitanom i utvrđenom kvalitetu proizvoda;
- 5) broj i datum izdavanja uvjerenja o izvršenoj kontroli proizvoda;
- 6) pečat i potpis ovlaštenog lica.

Član 24

Zahtjev za produženje prava korišćenja imena porijekla, odnosno geografske oznake podnosi se na obrascu O-2, koji je odštampan uz ovaj pravilnik i čini njegov sastavni dio.

Zahtjev iz stava 1 ovog člana sadrži:

- 1) firmu ili naziv, odnosno prezime i ime i sjedište odnosno adresu ovlaštenog korisnika;
- 2) registarski broj ovlaštenog korisnika i datum upisa u Registar ovlašćenih korisnika imena porijekla, odnosno geografskih oznaka;
- 3) podatke o punomoćniku, ako se zahtjev podnosi preko punomoćnika;
- 4) podatke o izvršenoj kontroli proizvoda - broj i datum izdavanja uvjerenja o ispitanom i utvrđenom kvalitetu proizvoda ako je u pitanju ovlašćeni korisnik imena porijekla;
- 5) popis svih priloga uz zahtjev;
- 6) potpis i pečat podnosioca zahtjeva.

Uz zahtjev iz stava 1 ovog člana podnose se i:

- 1) uredno punomoćje, ako se zahtjev podnosi preko punomoćnika;
- 2) dokaz o izvršenoj kontroli proizvoda, koji mora da sadrži podatke o tome da li se proizvodnja obavlja saglasno elaboratu;
- 3) dokaz o uplati takse za zahtjev.

Dokaz o izvršenoj kontroli iz stava 2 tačka 4 ovog člana, ne može biti stariji od šest mjeseci.

2. ISPRAVA O STATUSU OVLAŠĆENOG KORISNIKA

Član 25

Isprava o priznatom statusu ovlaštenog korisnika imena porijekla, odnosno geografske oznake sadrži:

- 1) registarski broj ovlaštenog korisnika i datum upisa u Registar ovlaštenih korisnika imena porijekla, odnosno geografske oznake;
- 2) firmu ili naziv, odnosno prezime i ime i sjedište, odnosno adresu ovlaštenog korisnika;
- 3) registarski broj imena porijekla, odnosno geografske oznake;
- 4) naznačenje da li je u pitanju ime porijekla ili geografska oznaka;
- 5) geografski naziv koji se štiti imenom porijekla, odnosno geografskom oznakom;
- 6) naziv područja ili mjesta iz kog potiče proizvod koji se obilježava imenom porijekla, odnosno geografskom oznakom;
- 7) datum do kojeg važi priznati status ovlaštenog korisnika;
- 8) datum izdavanja isprave;
- 9) potpis ovlaštenog lica i pečat nadležnog organa.

3. UPIS STATUSNIH PROMJENA U REGISTRE

Član 26

U registre koje vodi Zavod upisuju se statusne promjene, promjene oblika i druge promjene koje se odnose na ovlaštenog korisnika imena porijekla, odnosno geografske oznake.

Član 27

Postupak za upis promjene pokreće se pisanim zahtjevom na obrascu O-3, koji je odštampan uz ovaj pravilnik i čini njegov sastavni dio.

Zahtjev iz stava 1 ovog člana sadrži:

- 1) firmu ili naziv, odnosno prezime i ime i sjedište, odnosno adresu ovlaštenog korisnika imena porijekla, odnosno geografske oznake;
- 2) registarski broj ovlaštenog korisnika imena porijekla, odnosno geografske oznake;
- 3) registarski broj imena porijekla, odnosno geografske oznake;
- 4) podatke o punomoćniku ako se zahtjev podnosi preko punomoćnika;
- 5) naznačenje o vrsti i sadržaju promjene.

Uz zahtjev iz stava 1 ovog člana dostavljaju se:

- 1) dokaz o pravnom osnovu promjene čiji se upis u registar traži;
- 2) uredno punomoćje ako se zahtjev podnosi preko punomoćnika;
- 3) dokaz o uplati takse za zahtjev za upis promjene.

Član 28

Ako zahtjev za upis promjene ne sadrži podatke iz člana 27 ovog pravilnika, Zavod će pozvati podnosioca zahtjeva da ga u roku od 30 dana od dana prijema poziva upotpuni.

Ako podnosilac zahtjeva, u roku iz stava 1 ovog člana, ne postupi po primjedbama Zavoda, zahtjev za upis promjene će biti odbačen.

Član 29

Ako pravni osnov na kome se zasniva zahtjev za upis promjene ne ispunjava zakonom propisane uslove ili ako se podaci iz zahtjeva ne slažu s podacima u registrima, Zavod će obavijestiti podnosioca o razlozima zbog kojih se upis promjene ne može izvršiti i pozvati ga da se u roku od 30 dana od dana prijema poziva o njima izjasni.

Ako se podnosilac zahtjeva, u roku iz stava 1 ovog člana, ne izjasni o razlozima zbog kojih se upis promjene ne može izvršiti ili se izjasni, a Zavod i dalje smatra da se upis promjene ne može izvršiti, zahtjev za upis promjene će biti odbijen.

VI. ZAVRŠNA ODREDBA

Član 30

Ovaj pravilnik stupa na snagu osmog dana od dana objavljivanja u "Službenom listu Crne Gore".

Broj: 0701-773/4
Podgorica, 7. aprila 2009. godine

Ministarstvo za ekonomski razvoj
Ministar,
Branimir Gvozdrenović, s.r.

